

二臣傳竹

10

11

12

13

貳臣傳卷之六

徐起元列傳

徐起元江南合肥人明舉人累官鄖陽府知府崇禎時流賊張獻忠自陝來湖南鄖陽危急起元與按察使高斗樞招降賊渠王光恩戰頻捷賊不敢犯後李自成陷襄陽分遣賊黨路應標等數萬寇鄖陽環攻三年賴起元善守光恩善戰湖南北十四郡皆陷鄖獨存事聞莊烈帝擢起元右僉都御史撫治鄖陽自成恨鄖不下復遣應標等增兵急攻起元夜襲賊營

斬應標圍解

本朝順治二年二月英親王阿濟格追勦流賊於陝西將至湖南起元遣光恩戮襄陽賊衆復均州光化穀城南漳備舟濟大兵投誠以王光恩署總兵官起元仍以原官視事疏言英親王體

皇上好生之心凡賊黨歸順者俱寬宥安置但此輩虎狼成

性難保無虞查承天荊州襄陽宜城鄧州荆門俱有降賊居州城中今一隻虎李過賊數萬盤踞當陽遷安其心叵測倘大兵遠離賊乘間蠱惑降衆患有不

測請將新降之衆分散四方聽各撫節治毋令養癰  
上報可六月起元駐襄陽遣叅將劉世安屯南漳副將王光  
泰屯宜城遏賊前鋒十二月賊黨劉體純犯襄陽起  
元同光恩鏖戰三日殺傷甚多賊不支遁三年入

京

陸覓授都察院右副都御史五年遷左都御史六年加太子  
太保八年甄別部院大臣

上以起元不稱風憲之職著調用十年二月以原銜管大理  
寺卿事四月得

旨徐起元堅守鄖陽投誠有功年老可念著以原官致仕馳

驛歸里仍廕一子人監讀書十六年卒

賜祭葬如例謚僖靖

張煊列傳

張煊山西介休人明崇禎元年進士由知縣累官河南道御史大學士陳演之戚廖於義爲御史考實授屬煊爲之道地不從尋會推閣臣演誣其徇私下獄遣戍尋赦歸里

本朝順治元年以侍郎劉餘佑薦授煊河南道御史丁

母憂歸三年服闋補浙江道御史仍掌河南道事六年疏言有司朘削百姓督撫徇縱不以告寃無由伸言官據所聞劾奏乃其職守乞付廷臣公議勿遽下

獄對理

諭曰嗣後言官論人善惡雖有不實不得逕送刑部加係挾

仇誣陷仍令革職下部治罪八年閏二月疏言文武兩途

全才難得近以武職改任督撫恐政體民瘼未必曉

暢請還本職以全器使又貪官被賍欵成招多坐吏

役或遇

赦輒復原官請將援免之人應降者調補閒曹應革職者勒

令休致下部議行時煊掌計冊劾御史李道昌王士

驥金元正匡蘭兆李允崑等巡方乖謬會大學士洪



承疇管都察院事議道昌降級士驥等均革職并列  
煊應外轉五月煊劾吏部尙書陳名夏十罪兩不法  
疏曰冢臣陳名夏以故明修撰驟涉尙書不思報

國乃諂事故睿親王及王事敗卸過於同事甯古里夫甯古  
里一啟心郎名夏乃尙書甯古里革任名夏乃得脫  
然無罪罪名夏父爲縣民所殺蒙

恩賜銀

歸葬名夏急於操權夤緣奪情置父傷於不問藁葬

淺土卹典空懸名教不齒罪二李元鼎以薦舉賊人  
被黜名夏特疏起用委過於聽從誤用之柳寅東欺

君罔上罪三名夏擬大僕寺卿舍傳景星三年俸滿  
之左通政而越陞黃徽允一年俸淺之少卿徽允爲  
洪承疇姻親任意迎合罪四董某謫降三司首領之  
小官倏陞叅議陳之遴以七品編修驟至宗伯私庇  
同鄉同姓罪五段國璋于二年投誠甫授光祿署丞  
突推三品之太常寺卿王邦桂初授光祿少卿歷俸  
八年僅轉四品之右通政紊亂銓序罪六江南督學  
御史李嵩陽兩經科臣魏裔介糾叅物議沸騰名夏  
以鍾愛門生私囑洪承疇曲意保全把持計典罪七

奉

旨處分

表率不職之憲臣卓洛等盡革任而徐起元與名夏同鄉同年僅議調用若借口守鄖有功則卓洛等誰無汗馬勞績罪八御史吳達廷糾邪黨之馮銓名夏禁不一語及銓臥病名夏屢往候安革職侍郎孫之獬爲盜所殺名夏素與厚力請優卹不顧人品公論至

嚴旨駁

正罪九名夏利人厚資與富商牛射斗結姻歲索數千金屈體市井貽羞縉紳罪十大常少卿龔鼎孳被

叅丁憂後援赦免議名夏忽于選司說于補官之時  
批降二級用專擅威福不法一御史崔士俊四年大  
計拾遺涉虛援赦免議名夏忽批降外府推官用不  
法二又名夏與洪承疇陳之遴於火神廟屢左右密  
議不知何事疏入

詔王大

臣鞠議吏部尙書公譚泰祖名夏援事在赦前免名  
夏及承疇之遴罪而以煊所言多不實且先爲言官  
不言乃于外轉後挾私誣讎論絞死九年正月

上諭內院曰朕觀往籍自古欺君誤國之權臣有正法顯戮

者亦有遭刑倖生者其生也雖生猶死摘奸發伏之言官  
有吐氣伸志者亦有蒙冤就死者其死也雖死猶生總之  
真假是非未有日久而不別白者也原任吏部尙書譚泰  
剛愎成性狂悖妄行當朕親政之初把持六部干預萬幾  
彼時陳名夏亦任本部尙書昨年五月內張燿憤不顧身  
列欵叅奏陳名夏洪承疇其時朕狩于外一切政事暫委  
之異親王滿達海王集諸王大臣逐件審實將名夏承疇  
羈之別所以事關重大馳使奏聞譚泰聞之艱然不悅遂  
萌翻案之心及朕回京敕諸王大臣等質審廷議譚泰咆

哮攘臂力庇黨人務欲殺張煊以塞言路諸王大臣憚彼兇鋒有隨聲附和者亦有俛首無言者內亦有左袒者入奏之時朕見罪欵甚多不甚驚訝譚泰挺身至殿前誑言告詞全虛又係赦前誣陷忠臣於死罪應反坐譚泰忌左袒者之異已蔽不以聞朕以爲衆議僉同遂允其奏而孰意譚泰之欺罔至此也自欺罔得售因而造罪多端諸王大臣俱以爲朕親信譚泰朕慮延遲日久則國事漸非而干連者衆遂執譚泰數其罪欵於去年八月十七日致法訖因思張煊當日告欵甚多驟寘重典疑有冤枉之處故

將名夏承疇復發鄭親王同承澤親王及內院刑部大臣  
再爲審理承疇招對俱實獨名夏厲聲強辯閃爍其詞及  
詰問辭窮乃哭訴投誠之功朕始知名夏爲輾轉狡詐之  
小人也名夏罪實難追但朕有前旨凡譚泰干連之人一  
概赦免今將名夏革任同漢軍閒散官隨朝洪承疇火神  
廟聚議事雖可疑實難懸擬送母歸原籍雖不奏私遣然  
爲親甘罪情尙可原姑赦其罪仍留原任以責成效朕念  
張煊含冤受死著厚加卹典其子以父官官之仍加二級  
卹典赦部議奏庶足以慰忠魂而闢言路著將譚泰罪狀

并張煊啟狀詳爲刊示暴之天下以明朕之無偏私也二月議贈煊太常寺卿

賜祭葬錄其子基遠如所贈官歷官禮部侍郎十一年名夏爲大學士寧完我劾奏奸狀鞫實以絞死



胡茂禎列傳

胡茂禎陝西榆林人明總兵福王時大學士史可法督師以茂禎爲中軍

本

朝順治元年豫親王多鐸南征胡茂禎來歸二年授

鳳陽總兵三年調寧國總兵四年調徽州總兵五年

正月叛鎮金聲桓黨潘永禧陳九思汪老五汪伯昇

等結寨大山蹂躪徽州諸縣茂禎勦土賊于榆林西

溪南吳村西坑等處皆有斬獲三月賊陷祁門黟縣

茂禎趨救賊已入休寧茂禎遣叅將孫喜策遊擊趙

亮楊鳴鳳分門攻擊自督兵復其城事

聞命戴

罪立功復分兵夾擊黟縣賊敗走永禧退回饒州四  
月賊攻婺源茂禎合戶部侍郎敖童兵水陸堵禦九  
月追斬九思于潭口青石焚其新舊營十月敗賊祁  
門擒歙縣巨寇吳國禎十二月分兵四路追勦伯昇  
老五破其木關擒老五餘賊潰江南總督馬國柱奏  
茂禎智勇兼優調度有方請敘功下部議加都督僉  
事十年經畧大學士洪承疇疏言茂禎營內兵丁多  
係山陝閩遠慣戰士卒令自選馬步兵八百赴湖廣

軍前

詔如所請十二年三月加都督同知充經畧後標總兵官時  
明桂王將李定國遁南寧而盧明臣馮雙禮等復自  
辰州趨陬溪龍灣頭逼常德茂禎偕提督李本深總  
兵楊遇明張鵬程敗之于河濮山口明臣墮水死雙  
禮遁十月加太子少保尋調貴州總兵十六年承疇  
以茂禎病入奏部議休致得

旨鎮臣職守關係甚大胡茂禎雖稱有病今已痊可亦未可  
知仍著察明議奏旋經督撫奏患病屬實回籍調理康熙

元年八月

上念茂頑素有才幹令兵部查用九月授寧夏總兵加右都督僉事三年擢湖廣提督以年老休致十八年卒

賜祭葬如例

孔希貴列傳

孔希貴奉天開原人明總兵

**本**朝順治元年四月大兵定燕京希貴迎降十月授薊州總兵隨豫親王多鐸勦河南二年三月河南平留希貴鎮歸德府勦柳營砦賊首金高招降明副將李聯元李希樂等九人明總兵劉花馬馮甲秦大鵬俱南遁九月同總兵祖可法高第等合疏請留漕米充軍食從之十二月奉

**旨**赴總漕軍前聽用漕運總督王文奎檄防勦通泰二州如

阜縣土賊于錫凡劉南陽劉一雄等盤踞谷河希貴  
追勦至洋莊大破之斬錫凡南陽擒一雄殲其衆南  
江賊首張爾明聞風遁餘黨悉平三年七月調河南  
懷慶總兵加都督同知四年正月山東范縣土賊孔  
五掠大名屬之南樂

敕希貴

速援至則賊遁希貴率遊擊孔國養等進擊賊巢破  
之陣斬孔五七年十二月胡家場賊首范次吾肆焚  
掠希貴奉河南巡撫吳景道檄勦之長垣縣昌律屯  
偵賊欲逸入太行追斬千餘擒沈千劬等隨合中軍

趙世泰兵破梁家寨賊窟俘獲無算八年正月追殺  
馬賊於山西澤州獲賊首秦明宇俱下部議敘功十  
年以老病致仕尋卒





高第列傳

高第陝西榆林人入籍河南商邱明山海關總兵

本朝順治元年四月投誠授原官

敕守關門七月以擅誅悍卒趙文才等奉

旨訓飭第乞治罪

宥之十月隨豫親王多鐸勦流賊李自成於河南有功二年  
三月豫親王奏改開歸總兵駐河南府時中州寇尙  
蟻聚第與隨征侍郎李延齡以計降土寨賊首李際  
及自成餘黨劉忠并武岡許昌允尙遵禮張其倫等

營寨千七百餘以次撫定得

**旨嘉獎**

加右都督尋斬偃師賊裴時茂永寧賊段竹嵩縣賊李茂華等加左都督十一月移駐襄陽三年二月

諭曰爾留守中州肅清巨寇地方寧謐忠勇可嘉

賜一品冠服四年山東土賊李化鯨據曹縣逼河南歸德奸

民有應之者第聞馳往捕疾渡河直抵曹縣焚其郭大兵集化鯨就擒斬之五年江西叛鎮金聲桓遣人以密書通第執其人及書以獻

上獎其忠誠晉太子少保是年大同總兵姜瓖叛逆黨蔓延

第以兵防河無南渡者八年二月授三等輕車都尉  
世職七月陝西土寇何柴山由商州轉掠洛陽出沒  
秦豫間第會陝西兵夾勦殲其衆十年以病乞休

允之康熙十年卒

賜祭葬如例子供弼襲世職

題於卷內

今之謂

...

...

...

李鑑列傳

李鑑四川安縣人明崇禎元年進士累官宣化巡撫  
本朝順治元年五月投誠授原官鑑與署總兵王應暉  
等捕斬流寇李自成之偽將軍黃應選偽防禦使李  
元桂等十五人並疏言闖賊署置偽官其罪俱在不  
赦之條原其情則有輕重之別請殲渠宥脅以昭

皇仁安反側

詔令加意招徠防守六月又言宣化一鎮兵多而員冗如本  
鎮原額經制官軍七萬六千七百有奇按冊則有名

用之戰守則無實皆由前朝法紀廢馳弁兵虛冒無核實之法也今索餉者紛紛保無侵蝕之奸應請早定經制裁冗員以節浮費下所司議行二年正月以赤城道朱壽鰲貪酷不法劾之先是壽鰲知鑑將劾已遣其子囑素識之旗人綽書泰往求英親王阿濟格王與鑑印札令勿治壽鰲罪及王出師至宣府復召鑑諭之曰壽鰲忠良宜釋免鑑曰此重犯若擅行釋之王亦不便時綽書泰在側叱之曰爾何不懼王也鑑艱然去王復遣綽書泰與總兵劉芳名強之不

可事

聞壽整綽書奏俱伏誅

上以鑑秉公執法爲國忘私

賜黃金五十兩白金千兩鞍馬裘幣並以壽整家產給之鑑

奏辭

欽賞以佐軍需

優旨嘉獎不允其請二月守備霍然許鑑受賄事下法司勘

問擬斬議上得

旨予鑑曾著大功免死追贓罰俸六月鑑上疏自訟

命刑部會同內院覆勘得白免罰俸尋擢宣大總督

命駐大同鑑復具疏懇辭不許是時山西土賊乘閒竊發妖婦崔氏倡爲善友會自稱都掌教偏閔寧武岢嵐諸屬村莊多爲煽惑黑草嘴賊渠白干侯運庫朔州賊渠武大寬等分路響應所在殺掠鑑令副將侯大節率兵奮擊擒斬大寬朔州賊黨解散會灰營賊餘孽數百入善友教與蔣家峪賊渠邢四等聯聲援遂攻破八角堡梨樹窰等城據守許林堡副將尤可望率兵追擊不利鑑傲大節乘勝截擊令叅將柳同春蔡



調羹都司薛敏恩尙嵐道于重熙等分兵協勦陣斬  
崔氏及賊黨邱道等擒白干邢四斬之焚其巢窟餘  
孽盡殲六月孟縣土賊呂斗等踞寨拒捕旋經巡撫  
馬國柱討平之鑑以晉省經制已定而各官猶多劄  
委未實授軍民旣已生玩且所在土寇猖獗皆由將  
領非人因與按察使張毓泰詳議疏請

救部核

委署各官功績按次補授當易急行另推官之應裁  
者其軍器武備亦按冊核存以儲軍用疏入下部知  
之閏六月尙嵐縣土賊高九英者曾爲寧武總兵高

勲所撫至是復叛鑑與撫臣分檄官弁擒斬之殪其  
黨百餘人初鑑令守備霍然糶售倉米及戶部咨詰  
鑑以爲由霍然呈請然訟寃寃鑑乃上疏引咎部議鑑  
與然有隙故欲陷之應褫職

詔改降

一級仍以巡撫用五年補寧夏巡撫七年

恩詔加右副都御史八月卒贈兵部右侍郎

賜祭葬如例

曹溶列傳

曹溶浙江嘉興人明崇禎十年進士官御史巡視西城嘗劾大學士張四知溺職不報

本朝順治元年五月投誠仍原官疏陳六事一請定官制使事有責成不相推諉又上下情宜浹洽庶人思效用一請定屯田鹽法錢法規制俾俸餉有所給取一請禁兵丁放馬踐食田禾一請有司巡緝土賊擒爲首者誅之餘皆勸諭向善則不煩兵力而賊寇自靖一請發帑金于近畿麥熟處平糴以裕倉儲備賑

恤一京師採煤西山近因盜賊梗路兩月不至請設兵循檄使無剽掠之虞得

有所陳

六事深切事務下所司卽行六月授順天學政疏言舊例選拔貢生彙八府諸生通考今畿輔當兵燹之後諸生或艱於遠涉宜偏歷各府舉行歲考補給廩額卽于廩生中拔其尤者府學貢二人州縣學貢一人順天府學首善士多請貢六人並令官給路費詣廷試分別選用至各省士子有遊學京師者宜令附順

廷

天府學考試其入學補廩充貢俱于正額外另議名

數又言褒揚節義有關風教當闢賊煽惑時誓節殉  
義者不少宜

敕學政

詳訪請旌其隱逸之士有深通古今明於治術熟諳

翰畧周知地利者許特疏薦舉以備徵用又請以遼  
東十五學改附永平府分設教官如各州縣學例尋  
疏薦明進士王崇簡等五人請旌殉節明大學士范  
景文尙書倪元璐等二十八人孝子徐基等七人義  
士王良翰等五人及節婦十餘人皆下部議行二年  
冬試竣回御史任三年二月充會試監試官奏請嚴

防懷挾傳遞移號換卷諸積弊寬免字畫粗率格式參差之貼例謄錄務期端楷對讀宜令詳審得

旨所奏會場事宜簡明切當下禮部即行三月遷大僕寺少

卿先是

恩詔錄 七品以上京官子弟各一人由附生充監生由廩生

增生充貢生溶任學政時所舉充貢監有曾于明季

襲世職及中武舉者至是事覺坐失察降二級調用

尋復以選拔貢生逾額革職回籍十年

詔三品以上大臣各舉所知大學士范文程等因以

上親政前部議降革原奏次第奏

覽於是溶與降調給事中林起鳳劉鴻儒並荷

恩諭曰三人降革皆非品行玷缺者比令來京錄用各復原

官十一年授太常寺少卿尋遷左通政十二年正月  
疏言通政之官職在納言請嗣後凡遇挾私違例章  
疏卽予駁還仍行劾奏至遠近災荒民生吏治宜許  
通政司諸臣就章疏所列隨事建言無忝敷奏之任  
又言開創時隨處駐兵乃一時權宜今當歸併於盜  
賊出没陷阻不測之地則兵不患少其閒散無事之

兵遇缺勿補遇調卽遣則餉不虛糜且當裁併提鎮  
改增副將以專統轄而重責成又言諸司職掌未有  
成書請以近年奉

旨遵行者參以前朝會典編爲簡明則例以蒞官守並下部

議行三月擢左副都御史疏請時

御便殿召大臣入對以辨其才識品行並

賜筆札令面舉所知可杜瞻徇欺矇之弊又言明代中葉以

後議論盛而實事衰至今積習未改欲使羣臣鼓任  
事之心言官作敢言之氣在斷自



宸衷遇諸臣章疏切中利弊者卽飭力行有辨言亂政挾私

撓法者卽摘發示戒無概下部議以致稽延

上並皆嘉納之擢戶部右侍郎九月

詔吏部都察院會奏侍郎寺卿等官才優經濟者改外用溶預

焉遂授廣東布政使十三年遇京察戶部以溶曾任

侍郎已改布政使牒吏部同都察院核議溶舉動輕

浮應以浮躁例降一級仍外用因降山西陽和道康

熙三年山西巡撫無白如梅遣溶慶賀

萬壽聖節至京溶援朝覲官得條陳利病例疏言大同屯地

舊例每頃徵銀不及一兩至兵丁墾沿邊荒地不徵銀名曰贍軍地後因軍餉不敷每頃每月扣餉銀二錢兵已貧乏近因兵額裁減所遺之地分撥現在之兵有每兵三四頃坐扣月餉者爲累滋甚請嗣後限每兵二頃如屯田徵銀之數按月扣餉地少則力可任耕租輕則兵仍足食又請沿邊設礮軍礮每五人每人與近礮荒地一頃免其徵輸使擊柝巡邏兼供修葺邊牆之役下所司議行尋以裁缺歸里十七

年

詔舉博學鴻詞大學士李蔚杜立德馮溥合疏薦溶以丁憂  
未赴十九年學士徐元文薦溶佐修明史部議俟服  
滿牒送史館二十四年卒

三  
後國  
得九

四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十

二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十

四十一  
四十二  
四十三  
四十四  
四十五  
四十六  
四十七  
四十八  
四十九  
五十

論  
學  
或  
論  
大  
學  
上  
卒  
論  
球  
章  
論  
博  
合  
論  
政  
治  
以  
下

田雄列傳

田雄直隸宣化人明總兵

本朝順治二年豫親王多鐸統兵征江南明福王朱由  
崧遁走蕪湖護軍統領圖賴等以兵斷其去路雄與  
明總兵馬得功縛福王來獻豫親王令以原銜隨大  
軍征浙江尋授杭州總兵時明魯王朱以海稱監國  
於紹興福王大學士馬士英總兵方國安等往依之  
擁兵嚴州屢渡錢塘江窺杭州雄與總督張存仁副  
都統珠瑪喇等禦勦先後奏捷三年擢浙江提督

賜冠帶鞍馬六年江西贛州推官蘇進泰遣使謁雄爲叛鎮

李成棟致逆書雄執其使以奏得

旨褒獎

加左都督銜八年追敘投誠功授爵一等子先是大

將軍定浙江明魯王竄入海繼復與其臣阮進張名振等據舟山至是雄同都統金礪進戰艦乘潮出海擒阮進于橫洋至舟山掘陷其城名振擁魯王遁去

十一年奉

旨移駐定海十二年阮進餘黨阮思陳六御等復踞舟山

命寧海大將軍伊爾德統師征勦雄晝夜督治戰艦攻具留

叅將徐信傳長春游擊劉登瀛等扼要監通聲援而  
自率精銳會大軍誓師登舟由定海大洋進烈港思  
等連接迎戰雄與伊爾德麾兵並進以砲毀數船思  
等習風濤左右衝突雄恐兵志未定稍卻必爲所乘  
因揚帆據上游攻其巨艦副將常進功等從右奮擊  
思衆大潰投海死者大半轉戰至日夕乃振旅還翌  
日復統水師出洋雄見思衆益熾與伊爾德計以橫  
洋金塘爲舟山要路今爲所據宜分兵急擊破之則  
舟山可達于是張水師爲兩翼直薄之四面夾攻殲

其衆無算獲其船思赴水死捷

聞加少傅兼太子太傅

賜冠服甲冑雄鎮海疆久以舟山不難于復而難于守請調

兵駐防增戰艦設水師分汛偵勦

上以所奏悉合機宜下所司議行十五年奏請歸隸旗籍以

弟豹代己入侍許之於是隸漢軍鑲黃旗時海賊鄭成功擾海濱一圍象山再犯台州復陷遂安平陽諸邑兵部劾雄失守城池罪得

旨寬免合立功自贖十六年四月海賊將犯太平雄遣兵迎



戰生擒百餘人賊望風遁五月賊復傾巢犯寧波雄  
出城督戰陣斬五百餘級賊退出定關造木城爲久  
踞計雄分兵三路進勦賊衆潰竄入海十八年晉三  
等侯雄疏辭兼請解提督任得

旨卿擒

福王投誠隨大兵攻戰功績茂著且鎮守海疆有年

故特授侯爵用示眷酬宜祇遵成命益殫忠猷以副倚任

勿遜辭康熙二年卒贈太傅

賜祭葬

如例謚毅勇以從子象坤襲爵乾隆十五年定世襲

侯號曰順義



賈漢復列傳

賈漢復山西曲沃人明副將

本朝順治二年豫親王多鐸南征漢復詣軍門降隨入

都隸正藍旗漢軍十年補佐領十二年遷都察院理事官管京畿道十三年七月擢工部右侍郎八月奉

命往

興京陵視工十四年改兵部左侍郎巡撫河南十五年三月

壇殿工成授職雲騎尉六月疏言河南驛通數省差分兩路

自河決後由山東者皆遶道豫中加以湖南軍差絡

釋馬斃役逃今黃河已歸故道請更正驛路行差于  
勘合火牌註明經由某省則兩河不致偏累下部議  
行十一月疏報墾官民自首地共七萬二千五百餘  
頃每歲增正供四十萬八千餘兩

上以其實心任事下部優敘加兵部尙書銜十二月左都御

史魏裔介請定衛所丁田歸併州縣下各省督撫議  
漢復疏言河南省宣武陳州潁州歸德睢陽彰德懷  
慶河南宏農南陽信陽汝州各衛羣牧嵩縣潁上林  
縣唐縣鄧州汝寧各所旣無漕船押運又無邊境修

防且地畝錢糧不多間坐落江南直隸隔屬徵追不  
便應裁併附近州縣衛所官役亦全裁部議從之十  
六年正月大兵進取滇黔部撥河南庫銀四十萬兩  
半充湖廣兵倘半交轉運漢復未半年已全解議敘  
加太子太保八月海賊鄭成功陷江南鎮江瓜洲等  
處警連河南歸德汝南漢復檄總兵張應祥赴宛南  
援勦賊敗餘黨竄光州商城勾土賊楊玉環等刼獄  
散劄惑衆漢復遣叅將苗成龍蘇養元等平之十二  
月經畧大學士洪承疇請增雲南綠旗官兵部議調

河南南汝鎮遊擊守備各二兵千五百赴滇漢復疏  
言南汝標兵二千八百餘分防均襄新鄧兵千六百  
僅存千二百餘不足抽調懇留本鎮資捍禦從之十  
七年二月疏言懷慶距山西星輶驛有兩路一由黑  
石嶺程六十一遠宛子城程八十明時以鄭藩墓在  
嶺前故紆道宛子城至萬善驛今請裁歸黑石嶺以  
省冗費下部議行七月刑科給事中姚啟聖列欵劾  
漢復貪污部議解任

敕總河朱之錫察究中有墾荒緣坐令民包賠一欵屬實應

降調授

赦免先是漢復曾餽內監銀十八年事覺部議復授

赦降抵仍罰銀百兩

特旨革雲騎尉世職留京候補康熙元年二月補授陝西巡

撫八月疏言舊例兵丁月外加給米三斗後總督孟喬芳議裁尋以興安鎮標白土紫陽各營歲荒兵苦仍給加米折銀四錢自買其時漁渡舊縣並漢中協路尙有興屯本色可支故未議及今屯兵已撤屯糧全無請照興鎮等營加月米三斗如所請行三年九

月疏言陝西驛遞有先衝而今屬首衝者有先首衝  
而今爲極衝者有次衝而今屬簡僻者卽盡裁僻驛  
站銀已不足補衝驛之數而近日秋道渭源蘭州金  
縣鎮安等處尤極衝請增站銀三千二百餘兩及夫  
馬工料銀七千餘兩得

旨允行先是順治十三年河流東徙韓城逼河塢有沙灘淤  
泥開墾陟科後河流西徙復衝沒至是漢復奏免其賦  
七年

詔漢復回京另用未及補官卒



賜祭葬如例

...

...

...

馬寧例傳

馬寧甘肅寧夏人明叅將

**本**

朝順治二年英親王阿濟格征陝西寧率衆投誠隸漢軍正白旗委署鳳翔中協副將三年隨寧夏總兵劉芳名勦賊秦鞏會叛將王元馬德殺巡撫焦安民爲亂寧隨芳名馳歸擒斬元德糾賊渠賀宏器等陷安定四年四月擊斬德于河免坪獲宏器于固原之北山又赴盤屋黑水峪勦賊渠賀珍等擒斬千餘十一月斬逆賊洪大誥于半個城五年正月調陝西兵

征四川至洛陽噪歸寧率兵追至伏羌誅首逆撫定  
餘衆三月甘肅逆回米喇印丁國棟殺巡撫張文衡  
及臨洮蘭岷洮河諸回皆叛應連陷郡邑圍鞏昌總  
督孟喬芳遣寧往援大破之鞏昌圍解與副將劉友  
元進攻臨洮賊衆潰洮岷河三州皆復五月進平蘭  
州賊西竄躡斬米喇印于水泉古城竄國棟奔肅州  
嬰城守六年三月喬芳移師討大同叛鎮姜瓖以滅  
賊委寧十一月破其城擒國棟河西平敘功加都督  
同知先是宜君賊劉宏才據北山寇畧西安諸州縣

八年寧勦平之九年三月勦邵陽流賊擒其渠雷學  
鎮梁鎮虎等尋擢四川右路總兵駐保寧十一年以  
軍政卓異

賜鞍馬

弓箭十五年隨定西將軍李國翰克復重慶進取遵  
義復由水西天生橋進兵征明柱王朱由榔十六年  
由榔遁入緬甸加寧右都督領兵進勦十七年改授  
援勦雲南前鎮總兵駐大理府十八年正月移駐孟  
卯十一月吳三桂分兵入緬寧偕副都統石廷柱總  
兵沈應時祁三昇馬寶高啟隆馬惟興等由姚關至

木邦時由榔將白文選屯錫箔潛遣其黨馮國恩來  
木邦糾集土兵我軍驟至斬國恩文選竄茶山寧等  
馳追至猛養及之文選降衆萬餘康熙元年敘功加  
左都督三年勦旣降復叛之水西宣慰司安坤四年  
勦烏撒宜良寧州喬甸迤東鎮里孟撒等各山城箐  
峒皆捷逆酋祿昌賢等以次擒斬餘黨悉平十一年  
遷湖廣提督十二年調山東提督十三年隨順郡王  
勒爾錦征逆藩吳三桂加太子太保十八年

敕寧還

京十九年卒

賜祭葬如例

張家

張家



張天祿列傳

弟天福附

張天祿陝西榆林人明末與弟天福以義勇從軍積功至總兵官福王時大學士史可法督師爲瓜州前鋒

本朝順治二年五月豫親王多鐸下江南福王就擒天祿及天福率所部三千餘人隨忻城伯趙之龍迎降豫親王令以原官隨征後隸漢軍正黃旂時明僉都御史金聲家居休寧受唐王朱聿鍵召都御史兼兵部侍郎職糾鄉勇十餘萬據徽州貝勒博洛遣都統

葉臣往勦天祿從十月偕總兵卜從善李仲興劉澤  
泳等由旌德縣進連破十餘寨至績溪縣生擒聲及  
中軍吳國禎副將成有功守備萬全等諭降不從斬  
于軍徽州平十二月明唐王大學士黃道周率兵犯  
徽州天祿擊斬其將程嗣聖等十餘人擒總兵李莞  
光等三年正月大敗道周兵于婺源擒道周諭降不  
從斬之分兵從祁門江灣街口黃源四路追勦餘黨  
至浙江開化縣降其城二月加都督同知授徽寧池  
太總兵官五月

賜一品冠服初天祿之定徽州也營於城外兩山禁將卒毋入城滋擾至次年霖雨連月城中父老敦請天祿入天祿曰三軍方在泥途何忍獨安終不下山徽民至爲感泣巡撫劉應賓奏其事得

旨嘉獎

十二月明嵩安王朱常淇擁衆數千擾婺源之小坑天祿率副將許漢鼎等勦之抵嚴坑擒常淇及監軍江於東等四年四月授江南提督五年二月敘投誠功授三等輕車都尉八年五月晉三等子爵九年十月海賊圍漳州天祿奉

命赴閩

援勦沿途搜勦土賊甚衆抵延平擒賊首黃雲紀陳天鐸等殲其衆下部議敘會都統金礪已解漳州圍天祿留駐延平勦各山賊十一年明魯王定西侯張名振由浙江犯崇明天祿馳還松江調將出洋撲勦正月奪稗沙老營追至高家嘴名振遁入浙尋乘潮突犯吳淞深淘港傷兵焚船天祿坐是降三級戴罪勦賊十二年江南總督馬明佩以深淘港告警時多失砲械及舟師三百餘天祿匿不報疏劾之而閩浙總督佟泰亦奏自洋逃回兵稱天祿與名振通書

詔并下

刑部訊通書無據以隱匿罪革提督降子爵爲三等  
輕車都尉十六年卒子其龍襲卒無嗣停襲天福初  
爲明總兵順治二年與兄同降以原官隨征崑山嘉  
定民不薙髮據縣叛天福同總兵李成棟平之五年  
四月授陝西漢羌總兵官八月敘投誠各功授一等  
男爵時明山陰王朱鼎濟聚兵據毛埧關以單一涵  
爲元帥六年二月天福自漢中入山攻之擒鼎濟及  
監軍王守基叅將張文秀遊擊單昌祉李之運等八  
十三人斬馘殆盡一涵投崖死得

旨察敘

三月延安叅將王永祥叛陷延安榆林及同官臨漳等縣花馬池軍民聞風譟變天福同平西王吳三桂都統李國翰從間道擊之大俘獲五月同提督李思忠破蒲城斬賊將二僞官三殲賊衆五千復延安三桂將分兵追勦綏德榆林以延鄜爲扼要地留天福鎮守七月賊犯安塞天福遣將擊敗之斬首三百餘招降叛將藍基等九年三月北山賊黨劉宏才因我兵四出乘間犯同官圍陳爐鎮天福先遣官兵由捷徑疾趨富平隨親馳至流渠鎮賊聞風南遁追及之

賊八千列營拒天福分兩路衝殺大敗之斬千餘生擒賊將魏加隆張敖等二百七十人下部議敘尋以病回旂授散秩大臣子其烈襲世職十七年五月復授本旂都統康熙六年四月卒

賜祭葬如例





常進功列傳

常進功遼東寧遠衛人明副將

本

朝順治二年豫親王多鐸兵下江南進功投誠給副

將劄尋隨貝勒博洛征浙江分勦富陽於潛及中頭

堰天竺山白石尖迷山嶺康嶺等處均在事有功五

年授定海左營遊擊十一年遷杭州城守副將十二

年兼攝提督叅將事十四年擢浙江水師總兵

賜甲冑

弓矢裘帽十六年調福建水師總兵征海寇鄭成功

直抵衙前賊遁追破其衆于定關康熙元年敘功授

騎都尉兼一雲騎尉世職

命隸漢軍正黃旗三年遷廣東水師提督六年以賊踪入甲

子港口不親勦革職十四年復授浙江水師提督時  
海寇犯温州進功同總兵朱萬化自定海關出洋勦  
禦破賊于沈家門等處十六年賊據舟山進功復出  
定海偵勦大破賊於螺頭門椗齒嶼朱家尖等處斬  
殺無算

諭部議敘十八年以年老休致二十五年卒孫履謙襲世職

貳臣傳卷之六終